


NEWS CLIPPING – PRESS

CLIENT:	DSA EXHIBITION AND CONFERENCE		
PUBLICATION:	HMETRO.COM.MY	SECTION:	SETEMPAT
DATE:	THURSDAY, 21 APRIL 2016	PAGE NO.:	1 OF 2
CIRCULATION:	ONLINE	FREQUENCY:	ONLINE
HEADLINE:	BOT PEMINTAS ASET BARU ATM		



Bot pemintas aset baru ATM

[Share](#) [Like](#) [0](#) [Tweet](#) [Pinterest](#) [Google+](#)

Kuala Lumpur: Bot pemintas berkuasa tinggi. Itu antara aset terbaru dimiliki Angkatan Tentera Malaysia (ATM) dalam menjaga kedaulatan perairan Pantai Timur Sabah daripada dicorobohi musuh.

Sebanyak 20 bot membabitkan dua model iaitu Viper dan Stingray akan ditempatkan melalui Operasi Pasir (Ops Pasir) di perairan Sabah dan berfungsi melakukan tugas memintas bot dan kapal musuh.

Panglima ATM Jeneral Tan Sri Zulkifeli Mohd Zin berkata, sebanyak 10 bot Viper dan 10 bot Stingray itu sudah beroperasi sejak tiga bulan lalu dan turut berperanan menggantikan bot lama dimiliki ATM.

Bellau berkata, bot yang beroperasi secara sewa guna milik syarikat MRI Tech. (M) Sdn Bhd itu di tempatkan di kawasan Sandakan, Semporna dan Kudat Sabah.

"Dot ini sebagai ganti kepada bot lama kerana aset kita sebelum ini (bot) sudah tidak sesuai digunakan selain peningkatan kos selenggaraan. Bot baru ini boleh beroperasi hingga 19 unit dalam satu-satu masa operasi.

"Syarikat juga memberi jaminan apabila enjin bot diselenggara, bot baru berkenaan akan tetap beroperasi berikutan pihak syarikat menyediakan enjin simpanan," katanya selepas majlis serah terima bot itu sempena Pameran dan Persidangan Perkhidmatan Pertahanan Asia (DSA) 2016 di Pusat Dagangan Dunia Putra (PWTC), di sini, semalam.

Bellau berkata, syarikat pembuatan bot itu juga turut membuka beberapa bengkel penyelenggaraan di Sabah bagi memastikan aset terbaru negara itu dapat beroperasi dengan lancar.

Zulkifeli optimis dengan penambahan bot pemintas itu bagi memastikan kedaulatan ruang perairan Sabah dapat diperlingkarkan daripada ancaman lanun dan kumpulan penceroboh.

"Saya yakin dengan kemampuan bot ini kerana ia mempunyai kelajuan 45 hingga 50 knot selain memiliki pusat graviti yang laju," katanya.

Katanya, 20 bot itu menggunakan konsep GOCOM (kerajaan guna dan aset penyelenggaraan oleh syarikat) adengan nilai kontrak melebihi 20 juta.

Bellau berpendapat aset canggih seperti ini wajar diperluas di kawasan perairan negara yang lain selain sebagai penggantian bot ATM yang sudah lama.

Difahamkan bot pemintas Viper sepanjang sembilan meter dengan berat 1.3 tan itu mampu membuat pusingan 90 darjah dalam kelajuan tinggi.

Bot viper mampu memuatkan 10 individu dengan beral hingga 1500 kilogram dalam satu masa.

NEWS CLIPPING – PRESS

CLIENT:	DSA EXHIBITION AND CONFERENCE	SECTION:	SETEMPAT
PUBLICATION:	HMETRO.COM.MY	PAGE NO.:	2 OF 2
DATE:	THURSDAY, 21 APRIL 2016	FREQUENCY:	ONLINE
CIRCULATION:	ONLINE		
HEADLINE:	BOT PEMINTAS ASET BARU ATM		

Ia turut dilengkapi radar berteknologi tinggi, sistem komunikasi dan 'echo sounder' bagi menjejaki musuh selain mampu digunakan di permukaan laut berombak kuat.

Sementara itu bot Stingray pula digunakan dalam penugasan memintas kapal musuh selain tugas logistik.

Artikel ini disiarkan pada : Khamis, 21 April 2016 @ 1:21 AM

